



REPUBLIKA E SHQIPËRISË
KËSHILLI KOMBËTAR I UJIT

V E N D I M

Nr.1, datë 17.2.2015

PËR

**PROPOZIM PËR MIRATIM, NË KËSHILLIN E MINISTRAVE, TË
PROJEKTVENDIMIT PËR “PËRMBAJTJEN, ZHVILLIMIN DHE
ZBATIMIN E STRATEGJISË KOMBËTARE TË MENAXHIMIT TË
BURIMEVE UJORE, TË PLANEVE TË MENAXHIMIT TË BASENEVE
UJORE DHE PLANEVE TË MENAXHIMIT TË RREZIKUT NGA
PËRMBYTJET”**

Në mbështetje të neneve 8, pika 1, 24 dhe 70, të ligjit nr.111/2012, “Për menaxhimin e integruar të burimeve ujore”, me propozimin e ministrit të Mjedisit, Këshilli Kombëtar i Ujit

V E N D O S I:

T’i propozojë Këshillit të Ministrave:

1. Miratimin e përmbajtjes dhe procedurave për zhvillimin dhe zbatimin e Strategjisë Kombëtare për Menaxhimin e Burimeve Ujore, sipas shtojcës I, bashkëlidhur këtij vendimi.
2. Miratimin e përmbajtjes dhe procedurave për zhvillimin dhe zbatimin e planeve të menaxhimit të baseneve ujore, sipas shtojcës II, bashkëlidhur këtij vendimi.
3. Miratimin e përmbajtjes dhe procedurave për zhvillimin dhe zbatimin e planeve të menaxhimit të rrezikut nga përmbytjet, sipas shtojcës III, bashkëlidhur këtij vendimi.
- I. Strategjia Kombëtare e Menaxhimit të Burimeve Ujore, planet e menaxhimit të baseneve ujore dhe planet e menaxhimit të rrezikut nga përmbytjet duhet të marrin në konsideratë:

- (a) Aktet ligjore ndërkombëtare, të nënshkruara dhe të ratifikuara nga Republika e Shqipërisë;
- (b) Politikat dhe legjislacionin e Bashkimit Evropian, sidomos ato të fushës së politikave për ujërat.

II. Për qëllim të këtij vendimi, termat e mëposhtme kanë këto kuptime:

- **“Ujëmbajtës”**, shtresa nënsipërfaqësore ose shtresa shkëmbore, apo shtresa të tjera gjeologjike, me porozitet dhe përshkueshmëri të mjaftueshme për të lejuar rrjedhjen ose nxjerrjen e konsiderueshme të ujërave nëntokësore;
- **“Burim i disponueshëm me ujëra nëntokësore”**, norma afatgjatë mesatare vjetore e ngarkimit të përgjithshëm të trupit me ujëra nëntokësore minus normën afatgjatë vjetore të rrjedhës së nevojshme, për të arritur objektivat e cilësisë ekologjike për ujërat sipërfaqësore që kanë lidhje, në mënyrë që të shmanget çdo zvogëlim i dukshëm në statusin ekologjik të ujërave të tilla dhe që të shmanget çdo dëmtim i konsiderueshëm i ekosistemeve tokësore që kanë lidhje;
- **“Niveli bazë”**, vlera mesatare e matur gjatë periudhës së parë, për të cilën është e disponueshme një periudhë përfaqësuese e monitorimit të të dhënave;
- **“Niveli i sfondit”**, përqëndrimi i një substance ose vlera e një treguesi në një trup me ujëra nëntokësore, që nuk korrespondon me asnjë, apo korrespondon vetëm me pak ndryshime antropogjene, në kushte të rregullta;
- **“Shkarkimi i drejtpërdrejtë në ujërat nëntokësore”**, shkarkimi i ndotësve në ujërat nëntokësore, pa filtrim, nëpërmjet tokës ose nëntokës;
- **“Norma e cilësisë së mjedisit”** ka kuptimin që i është dhënë nga pika 23, e nenit 3, të ligjit nr.10448, datë 14.7.2011, “Për lejet e mjedisit”;
- **“Përmbytja”**, mbulimi i përkohshëm me ujë i tokës që, normalisht, nuk mbulohet nga uji. Këtu përfshihen përmbytjet nga lumenjtë, përrrenjtë malorë, rrjedhat ujore kalimtare dhe përmbytjet nga deti, në zonat bregdetare, por përjashtohen përmbytjet nga sistemet e kanalizimit;
- **“Norma e cilësisë së ujërave nëntokësore”**, norma mjedisore e cilësisë, e shprehur si përqendrim i një ndotësi të veçantë, një grupi ndotësish ose indikatorit të ndotjes në ujërat nëntokësore, që nuk duhet tejkaluar, me qëllim që të mbrohet shëndeti i njeriut dhe mjedisi;
- **“Substanca të rrezikshme”**, ka kuptimin që i është dhënë nga pika 17, e nenit 5, të ligjit nr.10431, datë 9.6.2011, “Për mbrojtjen e mjedisit”;
- **“Futja e ndotësve në ujërat nëntokësore”**, hyrja e drejtpërdrejtë ose jo e drejtpërdrejtë e ndotësve, si rezultat i aktivitetit njerëzor;
- **“Kufiri i zbulimit”**, sinjali i prodhimit ose vlera e përqendrimit mbi të cilën mund të konfirmohet, me një nivel të sigurt besimi, se kampioni është i ndryshëm nga një kampion bosh, që nuk ka përcaktues interesi (me rëndësi);
- **“Kufiri i kuantifikimit”**, shumëfishi i caktuar i kufirit të zbulimit në një përqendrim të përcaktuesit, që mund të vendoset logjikisht me një nivel të pranueshëm saktësie dhe precizioni. Kufiri i kuantifikimit mund të llogaritet

duke përdorur një standard apo kampion të përshtatshëm dhe mund të përftohet nga pika më e ulët e kalibrimit, në kurbën e kalibrimit, duke përjashtuar pjesën bosh;

- **“Basen ujqor”**, zona e tokës dhe e detit, e përbërë nga një ose më shumë basene lumenjsh fqinjë, së bashku me ujërat e tyre nëntokësore dhe bregdetare, që identifkohet si njësi kryesore për menaxhimin e ujërave të baseneve ujore;
 - **“Tendencë rritëse e konsiderueshme dhe e qëndrueshme”**, çdo rritje e konsiderueshme statistikore dhe mjedisore e ndotësit, grupit të ndotësve ose e indikatorit të ndotjes në ujërat nëntokësore, për të cilat kthimi i tendencës identifkohet si i nevojshëm;
 - **“Nënbaseni”**, zona e tokës prej së cilës të gjitha rrjedhat sipërfaqësore derdhen, nëpërmjet një sërë përrenjsh, lumenjsh dhe, mundësisht, liqenesh, në një pikë të veçantë të një rrjedhe ujore (normalisht liqen ose bashkërrjedhje lumi);
 - **“Vlera e pragut”**, standardi i cilësisë së ujërave nëntokësore për ndotës të veçantë, grup ndotësish ose indikatorësh të ndotjes në ujërat nëntokësore, që janë identifikuar si kontribues në karakterizimin e trupave ose grupeve të trupave të ujërave nëntokësore që janë në rrezik;
 - **“Pasiguria e matjeve”**, një parametër, jo negativ, që karakterizon shpërndarjen e vlerave të sasisë që i atribuohet një matjeje, bazuar në informacionin e përdorur.
4. Të gjitha termat apo shprehjet e tjera, të përdorura në këtë vendim, do të kenë kuptimin që u është dhënë nga ligji nr.111/2012, “Për menaxhimin e integruar të burimeve ujore”.
5. Ngarkohen organet kombëtare të menaxhimit të integruar të burimeve ujore për zbatimin e këtij vendimi.
6. Nga etapat dhe afatet kohore përjashtohet strategjia kombëtare e menaxhimit të burimeve ujore, planet e menaxhimit të baseneve ujore dhe planet e menaxhimit të rrezikut nga përmbytjet, që janë në proces hartimi ose hartohen për herë të parë.

Ky vendim hyn në fuqi menjëherë.

KRYETAR

EDI RAMA

Lefter KOKA

MINISTËR I MJEDISIT



SHTOJCA I
PËRMBAJTJA DHE PROCEDURAT PËR ZHVILLIMIN DHE ZBATIMIN E
STRATEGJISË KOMBËTARE TË MENAXHIMIT TË BURIMEVE UJORE

Kreu 1. Parimet Bazë

1. Strategjia Kombëtare të Menaxhimit të Burimeve Ujore:
 - a. Është zhvilluar, bazuar në nenin 8, pika 1/a, nenet 24 dhe 70 të Ligjit nr. 111/2012 "Për Menaxhimin e Integruar të Burimeve Ujore"; dhe do të jetë subjekt i procedurës së vlerësimit mjedisor strategjik, siç përcaktohet në legjislacionet e tjera.
 - b. 111/2012 "Për Menaxhimin e Integruar të Burimeve Ujore"; dhe do të jetë subjekt i procedurës së vlerësimit mjedisor strategjik, siç përcaktohet në legjislacionet e tjera.
2. Strategjia Kombëtare e Menaxhimit të Burimeve Ujore është dokumenti i planifikimit bazë afat-gjatë për menaxhimin e integruar të ujërave në Republikën e Shqipërisë.

Kreu 2. Përmbajtja e Strategjisë Kombëtare të Menaxhimit të Burimeve Ujore

1. Strategjia Kombëtare e Menaxhimit të Burimeve Ujore, përmban të paktën:
 - a. parimet dhe kriteret për përcaktimin e menaxhimit të integruar të ujërave;
 - b. parimet dhe objektivat për ruajtjen dhe përmirësimin e statusit të ujërave si dhe për ujërat dhe ekosistemet e varura nga ujërat;
 - c. detyrimet që dalin nga marrëveshjet ndërkombëtare;
 - d. informacionin bazë dhe vlerësimin e gjendjes së ujërave dhe të sistemeve të ujërave;
 - e. hartat bazë;
 - f. parashikimet bazë për menaxhimin e ujërave;
 - g. parashikimet bazë për planifikimin e zhvillimit të sistemeve të ujërave;
 - h. planin e aktiviteteve dhe masat për zbatimin e objektivave;
 - i. marrëveshjet institucionale për zbatimin e objektivave;
 - j. vlerësimin e kostove financiare të lidhura me menaxhimin e ujërave.
2. Strategjia Kombëtare e Menaxhimit të Burimeve Ujore do të përcaktojë përparësitë në menaxhimin e integruar të ujërave sipas parametrave objektivë të identifikuar, të përshtatur me nevojat aktuale dhe potencialin ekonomik, si dhe vizionin integral të zhvillimit të ardhshëm të sistemit të ujërave.
3. Strategjia Kombëtare e Menaxhimit të Burimeve Ujore do të përfshijë gjithashtu edhe një përmbledhje jo-teknike të informacionit të përcaktuar në Paragrafët 1 dhe 2 të këtij kreu. Përmbledhja jo-teknike duhet të përmbajë faktet kryesore, vlerësimet dhe propozimet.

Kreu 3. Procedurat për zhvillimin e Strategjisë Kombëtare të Menaxhimit të Burimeve Ujore

1. Strategjia Kombëtare e Menaxhimit të Burimeve Ujore do të përgatitet në përputhje me nenet 16, 24 dhe 70 të Ligjit nr. 111/2012 "Për Menaxhimin e Integruar të Burimeve Ujore".
2. Këshillat e Baseneve Ujore dhe institucionet e tjera do të ofrojnë informacion dhe mbështetje, siç kërkohet për zhvillimin e Strategjisë Kombëtare të Menaxhimit të Burimeve Ujore .

3. Projekt Strategjia Kombëtare e Menaxhimit të Burimeve Ujore duhet botuar të paktën 6 muaj përpara fillimit të periudhës, së cilës i referohet Strategjia Kombëtare e Menaxhimit të Burimeve Ujore.
4. Projekt Strategjia Kombëtare e Menaxhimit të Burimeve Ujore duhet të vendoset në faqen e internetit të Këshillit Kombëtar të Ujit dhe në faqen e internetit të ministrisë përgjegjëse për Mjedisin.
5. Këshilli Kombëtar i Ujit e dërgon projekt Strategjinë Kombëtare të Menaxhimit të Burimeve Ujore tek:
 - a. Ministri përgjegjës për mjedisin;
 - b. Ministri përgjegjës për ujërat;
 - c. Ministri përgjegjës për bujqësinë;
 - d. Ministri i përgjegjës për pyjet;
 - e. Ministrat përgjegjës për turizmin, transportin, infrastrukturën, ujsellës kanalizimeve dhe zhvillimin;
 - f. Ministrat përgjegjës për ekonominë dhe energjinë;
 - g. Ministri përgjegjës për shëndetësinë;
 - h. Ministri përgjegjës për arsimin;
 - i. Agjencia Kombëtare e Mjedisit;
 - j. Institucione të tjera që, sipas mendimit të Këshillit Kombëtar të Ujit, kanë lidhje me këtë.
6. Autoritetet e referuara në pikën 5 mund të bëjnë komente mbi projekt Strategjinë Kombëtare të Menaxhimit të Burimeve Ujore. Këto komente mund të jenë në formë të shkruar ose elektronike dhe duhet t'i drejtohen Këshillit Kombëtar të Ujit. Komentet duhet të bëhen brenda një periudhe një mujore nga data e botimit të projekt Strategjisë Kombëtare të Menaxhimit të Burimeve Ujore.
7. Projekt Strategjia Kombëtare e Menaxhimit të Burimeve Ujore duhet të vihet në dispozicion të publikut.
8. Kur një anëtar i publikut dëshiron të shikojë projekt Strategjinë Kombëtare të Menaxhimit të Burimeve Ujore, ai ka të drejtë ta shikojë atë falas. Kur një anëtar i publikut dëshiron të marrë një kopje të projekt Strategjisë Kombëtare të Menaxhimit të Burimeve Ujore, Këshilli Kombëtar i Ujit ka të drejtë t'i ngarkojë kostot e arsyeshme për ofrimin e kësaj kopje.
9. Çdo anëtar i publikut dhe palë e interesuar mund të komentojë projekt Strategjinë Kombëtare të Menaxhimit të Burimeve Ujore. Komente të tilla mund të jetë në formë të shkruar ose elektronike dhe duhet t'i drejtohen Këshillit Kombëtar të Ujit. Këto komente duhet të bëhen brenda një periudhe një mujore nga data e botimit të projekt Strategjisë Kombëtare të Menaxhimit të Burimeve Ujore.
10. Gjatë përgatitjes në formë përfundimtare së Strategjisë Kombëtare të Menaxhimit të Burimeve Ujore, Këshilli Kombëtar i Ujit merr parasysh komentet e bëra nga ministrat dhe institucionet e referuara në pikën 5 dhe komentet e bëra nga publiku.

11. Këshilli i Ministrave, miraton Strategjinë Kombëtare të Menaxhimit të Burimeve Ujore të finalizuar, në përputhje me nenin 8, pika 4/b të ligjit nr. 111/2012 "Për Menaxhimin e Integruar të Burimeve Ujore".

Kreu 4. Rishikimi dhe amendimi i Strategjisë Kombëtare të Menaxhimit të Burimeve Ujore

1. Strategjia Kombëtare e Menaxhimit të Burimeve Ujore rishikohet çdo 15 vjet, referuar nenit 16, pika 4 e ligjit nr. 111/2012.
2. Kërkesat e kësaj Shtojce do të zbatohen për të gjitha ndryshimet e Strategjisë Kombëtare të Menaxhimit të Burimeve Ujore.

SHTOJCA II

PËRMBAJTJA DHE PROCEDURAT PËR ZHVILLIMIN DHE ZBATIMIN E PLANEVE TË MENAXHIMIT TË BASENEVE UJORE

Kreu 1. Karakteristikat e Baseneve Ujore

1. Për çdo basen ujqor të identifikuar, Këshilli përkatës i basenit kryen një vlerësim në përputhje me nenet 24 dhe 36 të Ligjit nr. 111/2012, "Për menaxhimin e integruar të Burimeve Ujore", i cili përfshin:
 - a. Analizën e karakteristikave të tij, në përputhje me specifikimet e përcaktuara në Aneksin 1, të këtij Vendimi, dhe
 - b. Shqyrtimin e ndikimit të aktivitetit njerëzor në statusin e ujërave sipërfaqësore dhe ujërave nëntokësore.
2. Vlerësimi i baseneve ujore duhet të përfshijë gjithashtu edhe analizën ekonomike të përdorimit të ujit, e cila duhet të përmbajë informacion të mjaftueshëm për:
 - a. Të bërë llogaritjet përkatëse të nevojshme për të marrë në konsideratë parimin e rikuperimit të kostove të shërbimit të ujërave, të referuar në gërmën "ç" të nenit 6 të Ligjit nr. 111/2012, duke patur parasysh parashikimin afatgjatë të ofertës dhe kërkesës për ujë të baseneve ujore dhe, kur është e nevojshme;
 - i) Të vlerësojë vëllimin, çmimin dhe kostot e lidhura me shërbimet e ujërave, dhe
 - ii) Të vlerësojë investimet përkatëse duke përfshirë parashikimet për investime të tilla;
 - b. Të kryejë vlerësime në lidhje me kombinimin e masave me kosto më shumë efektive, për sa i përket përdorimeve të ujit, që do të përfshihen në programin e masave sipas Aneksit 4, bazuar në vlerësimet e kostove potenciale për masa të tilla.
3. Vlerësimi i baseneve ujore duhet të rishikohet dhe, nëse është e nevojshme, të përditësohet deri në fund të vitit 2020 dhe çdo gjashtë vjet pas këtij viti.

Kreu 2. Planet e Menaxhimit të Baseneve Ujore

1. Për çdo basen ujqor të identifikuar, Ministria, në bashkëpunim me Sekretariatën Teknik të Këshillit Kombëtar të Ujit, harton planin e menaxhimit të basenit ujqor.
2. Kur një basen ujore është pjesë e një baseni ujqor ndërkombëtar, Ministria dhe Sekretariati Teknik i Këshillit Kombëtar të Ujit koordinojnë me autoritetet përkatëse në Shtetet e tjera për të hartuar një plan të vetëm ndërkombëtar të menaxhimit të basenit ujqor në përputhje me Ligjin nr.111/2012, "Për menaxhimin e integruar të Burimeve Ujore".
3. Plani i menaxhimit të basenit ujqor duhet të përmbajë të paktën informacionin e përcaktuar në Aneksin 2 të këtij vendimi.
4. Planet e menaxhimit të baseneve ujore rishikohen dhe, nëse është e nevojshme përditësohen, në fund të vitit 2020 dhe më pas, çdo gjashtë vjet.

Kreu 3. Procedurat për zhvillimin e Planeve të Menaxhimit të Baseneve Ujore

1. Sekretariati teknik i KKKU-së, pas miratimit nga Këshilli Kombëtar i Ujit, boton projekt grafikun dhe programin e punës për hartimin e Planit të Menaxhimit të Basenit Ujqor, dy vjet para fillimit të periudhës së cilës i referohet Plani i Menaxhimit të Basenit Ujqor,

përfshirë këtu çdo rishikim të referuar në pikën 3 të kreut 1, të Shtojcës 2 të këtij vendimi. Projekt grafiku dhe programi i punës duhet të përfshijnë veçanërisht afate të qarta kohore, institucionet dhe organizatat me të cilat duhet konsultuar, burimet e sugjeruara për financim si dhe institucionet dhe planin organizativ të sugjeruar për zbatim.

2. Projekt grafiku dhe programi i punës vendosen në faqen e internetit të Këshillit përkatës të Basenit Ujor dhe në faqen e internetit të Këshillit Kombëtar të Ujit.
3. Sekretariati teknik i KKU-së, dërgon projekt grafikun dhe programin e punës tek:
 - a. Ministri përgjegjës për mjedisin;
 - b. Ministri përgjegjës për ujërat;
 - c. Ministri përgjegjës për pyjet;
 - d. Ministrat përgjegjës për detin, turizmin, transportin dhe zhvillimin;
 - e. Ministri përgjegjës për mbrojtjen e natyrës;
 - f. Ministrat përgjegjës për ekonomisë dhe energjinë;
 - g. Ministri përgjegjës për shëndetësinë;
 - h. Agjencia Kombëtare e Mjedisit;
 - i. Këshillit Kombëtar i Ujit;
 - j. Autoritetet e pushtetit vendor në bashkitë brenda baseneve ujore;
 - k. Ministri dhe institucione të tjera që kanë lidhje sipas mendimit të Këshillit të Baseneve Ujore;
 - l. Këshillin përkatës të Basenit Ujor.
4. Autoritetet e referuara më sipër, mund të bëjnë komente për projekt grafikun dhe programin e punës. Këto komente mund të jenë në formë të shkruar ose elektronike dhe duhet t'i drejtohen Sekretariatit teknik të KKU-së. Komentet duhen bërë brenda një periudhe gjashtë mujore nga data e botimit të projekt grafikut dhe programit të punës.
5. Çdo anëtar i publikut mund bëjë komente në formë të shkruar ose elektronike dhe duhet t'i dërgohen Sekretariatit teknik të KKU-së. Komentet duhen bërë brenda një periudhe gjashtë mujore nga data e botimit të projekt grafikut dhe programit të punës.
6. Sekretariati Teknik i KKU-së në bashkëpunim me Këshillin përkatës të Basenit Ujor, pas miratimit nga Këshilli Kombëtar i Ujit, boton grafikun dhe programin përfundimtar të punës të paktën dy vjet përpara fillimit të periudhës së cilës i referohet Plani i Menaxhimit të Basenit Ujor. Gjatë përgatitjes së grafikut dhe programit përfundimtar të punës, Sekretariati Teknik i KKU-së duhet të marrë në konsideratë të gjitha komentet e bëra nga ministritë dhe institucionet e referuara më sipër, si dhe komentet e bëra nga publiku.
7. Këshilli përkatës i Basenit Ujor, pas miratimit nga Këshilli Kombëtar i Ujit, boton një projekt raport të ndërmjetëm të çështjeve të rëndësishme të menaxhimit të ujërave të identifikuara në Basenin Ujor, dy vjet përpara fillimit të periudhës së cilës i referohet Plani Menaxhimit të Basenit Ujor, përfshirë këtu çdo rishikim të referuar më sipër.
8. Projekt raporti i ndërmjetëm, për çështjet e rëndësishme të menaxhimit të ujërave të referuara në pikën 7 më sipër, vendoset në faqen e internetit të Këshillit përkatës të Basenit Ujor dhe në faqen e internetit të Këshillit Kombëtar të Ujit.

9. Këshilli përkatës i Basenit Ujor i dërgon Sekretariatit Teknik të KKU-së projekt raportin e ndërmjetëm të çështjeve të rëndësishme të menaxhimit të ujërave. Këtë projekt raport Sekretariati Teknik i KKU-së ia dërgon autoriteteve të referuara në pikën 3 të këtij kreu.
10. Komentet mund të jenë në formë të shkruar ose elektronike dhe duhet t'i drejtohen Sekretariatit Teknik të KKU-së. Sekretariati Teknik i KKU-së vë në dijeni Këshillin përkatës të Basenit Ujor për këto komente. Komentet duhen bërë brenda një periudhe gjashtë mujore nga data e botimit të projekt raportit të ndërmjetëm për çështjet e rëndësishme të menaxhimit të ujërave.
11. Çdo anëtar i publikut mund të bëjë komente për projekt raportin e ndërmjetëm të çështjeve të rëndësishme të menaxhimit të ujërave. Këto komente mund të jenë në formë të shkruar ose elektronike dhe duhet t'i drejtohen Sekretariatit Teknik të KKU-së. Komentet duhen bërë brenda një periudhe gjashtë mujore nga data e botimit të projekt raportit të ndërmjetëm për çështjet e rëndësishme të menaxhimit të ujërave.
12. Këshilli i Basenit Ujor, pas miratimit nga Këshilli Kombëtar i Ujit, boton raportin e ndërmjetëm përfundimtar të çështjeve të rëndësishme të menaxhimit të ujërave të paktën 18 muaj përpara fillimit të periudhës së cilës i referohet Plani i Menaxhimit të Basenit Ujor. Gjatë përgatitjes së raportit të ndërmjetëm përfundimtar për çështjet e rëndësishme të menaxhimit të ujërave, Këshilli i Basenit Ujor duhet të marrë në konsideratë komentet e bëra nga ministrinë, institucionet e referuara më sipër, si dhe komentet e bëra nga publiku.
13. Këshilli i Basenit Ujor, pas miratimit nga Këshilli Kombëtar i Ujit, boton projekt planin e menaxhimit të Basenit Ujor një vit përpara fillimit të periudhës së cilës i referohet Plani i Menaxhimit të Basenit Ujor.
14. Projekt plani i menaxhimit të Basenit Ujor vendoset në faqen e internetit të Këshillit të Basenit Ujor dhe në faqen e internetit të Këshillit Kombëtar të Ujit.
15. Projektplanin e menaxhimit të basenit ujor duhet t'i nënshtrohet procedurave të vlerësimit mjedisor, siç përcaktohet në legjislacionin përkatës të mbrojtjes të mjedisit.
16. Sekretariati Teknik i KKU-së dërgon projektplanin e menaxhimit të Basenit Ujor tek autoritetet e referuara në pikën 3 të kreut 3, të kësaj shtojce dhe tek autoritetet përkatëse në Shtetet e tjera, kur baseneve ujore është pjesë e një rrethi ndërkombëtar të baseneve Ujore.
17. Autoritetet e referuara në pikën 3 të kreut 3, të shtojcës 2 mund të bëjnë komente mbi projekt planin e menaxhimit të Basenit Ujor. Këto komente mund të jenë në formë të shkruar ose elektronike dhe duhet t'i dërgohen Sekretariatit Teknik të KKU-së. Komentet duhen bërë brenda një periudhe gjashtë mujore nga data e botimit të projekt planit të menaxhimit të Basenit Ujor.
18. Çdo anëtar i publikut mund të bëjë komente mbi projekt planin e menaxhimit të Basenit Ujor. Këto komente mund të jenë në formë të shkruar ose elektronike dhe duhet t'i dërgohen Sekretariatit Teknik të KKU-së. Komentet duhen bërë brenda një periudhe gjashtë mujore nga data e botimit të projekt planit të menaxhimit të Basenit Ujor.

19. Kur një anëtar i publikut dëshiron të shikojë dokumentat bazë dhe informacionet e përdorura për zhvillimin e projekt planit të menaxhimit të Basenit Ujor, ai ka të drejtë ta bëjë këtë falas.
20. Kur një anëtar i publikut dëshiron të bëjë një fotokopje të çfarëdo dokumenti bazë dhe informacioni të përdorur për zhvillimin e projekt planit të menaxhimit të Basenit Ujor, Këshilli i Basenit Ujor mund t'i ngarkojë një shumë të arsyeshme për ta paguar, që mbulon shpenzimet e fotokopjimit.
21. Ministria dhe Sekretariati Teknik i KKU-së, në bashkëpunim me Këshillin e Basenit Ujor, organizojnë seanca dëgjimore publike mbi projekt planin e menaxhimit të Basenit Ujor brenda periudhës gjashtë mujore.
22. Ministria dhe Sekretariati Teknik i KKU-së i dërgojnë Këshillit Kombëtar të Ujit projekt planin e menaxhimit të Basenit Ujore, të paktën 6 muaj përpara fillimit të periudhës së cilës i referohet Plani i Menaxhimit të Basenit Ujor. Gjatë përgatitjes së projekt planit përfundimtar të menaxhimit të Basenit Ujor, Këshilli përkatës i Basenit Ujor duhet të marrë parasysh:
 - a. Të gjitha rezultatet dhe konkluzionet e çdo vlerësimi strategjik mjedisor të referuar në pikën 15 të këtij kreu;
 - b. Të gjitha komentet e bëra nga ministrinë dhe institucionet e referuara në pikën 17 të këtij kreu;
 - c. Të gjitha komentet e bëra nga autoritetet përkatëse dhe Shtetet e tjera të referuara në pikën 17 të këtij kreu;
 - d. Të gjitha komentet e bëra nga publiku sipas Paragrafit 18 të këtij kreu;
 - e. Të gjitha komentet e bëra gjatë seancave dëgjimore publike të organizuara në përputhje me pikën 21.
23. Këshilli i Ministrave, pas miratimit në parim nga Këshilli Kombëtar i Ujit, miraton Planin përfundimtar të Menaxhimit të Basenit Ujor, në përputhje me nenin 8/4 të Ligjit nr. 111/2012, "Për Menaxhimin e Integruar të Burimeve Ujore".

Kreu 4. Programi i masave

1. Këshilli përkatës i Basenit Ujor harton një program masash për çdo Basen Ujor me qëllim që të arrihen objektivat mjedisore të përcaktuara në Aneksin 3 të këtij Vendimi.
2. Programet e masave, duhet të marrin në konsideratë rezultatet e vlerësimit të kërkuar sipas pikës 1, Kreu 1 më lart.
3. Programet e masave duhet të përfshijnë masat themelore të specifikuara në Aneksin 4, Pjesa 1 dhe, kur është e nevojshme, edhe masat shtesë siç është specifikuar në Aneksin 4, Pjesa 2.
4. Programet e masave, duhet të hartohen deri në fund të vitit 2023.
5. Programet e masave duhet të vihen në funksionim deri në fund të vitit 2025.
6. Programet e masave duhen rishikuar, dhe nëse është e nevojshme përditësuar, në fund të vitit 2027 dhe më pas çdo gjashtë vjet. Masat e tjera të reja ose të rishikuara, të hartuara

sipas programit të përditësuar duhet të vihen në funksionim brenda tre viteve nga hartimi i tyre.

7. Pa paragjykuar dispozitat e Paragrafit 5, të këtij kreu, kur monitorimi i statusit të ujërave sipas Pjesës 4 të këtij Kreu, ose të dhëna të tjera që tregojnë se objektivat mjedisore të përcaktuara sipas Aneksit 3 për trupin ujqor nuk kanë gjasa të realizohen, duhen marrë masa shtesë sipas nevojës me qëllim që të arrihen këto objektiva mjedisore.
8. Kur shkaqet e dështimit për realizimin e objektivave mjedisore për një trup ujqor të referuara në pikën 6 të këtij kreu, janë rezultat i shkaqeve natyrore ose forcave madhore të jashtëzakonshme dhe që nuk mund të parashikohen, në veçanti përmbytjet ekstreme dhe thatësitrat e tejzgjatura, Këshilli përkatës i Basenit Ujqor mund të vendosë që masat shtesë nuk janë të praktikueshme, subjekt i Paragrafit 6 të Aneksit 3.

Kreu 5. Klasifikimi i trupave ujqore

1. Këshilli i Ministrave klasifikon statusin e trupave ujqore, në përputhje me dispozitat e Aneksit 5 të këtij Vendimi dhe sipas nenit 26 pika 3, të ligjit nr. 111/2012.
2. Klasifikimi i trupave ujqore duhet të rishikohet, dhe nëse është e nevojshme, të përditësohet nga fundi i vitit 2025 dhe më pas çdo gjashtë vjet.

Kreu 6. Monitorimi i statusit të ujërave

1. Këshilli përkatës i Basenit Ujqor harton programe për monitorimin e statusit të ujërave me qëllim që të krijojë një pasqyrë koherente dhe gjithëpërfshirëse të statusit të ujërave, brenda çdo Baseni Ujqor, në përputhje me nenin 37 të ligjit nr. 111/2012.
2. Programet e masave të hartuara nga çdo Këshill i Basenit Ujqor, miratohen nga Këshilli i Ministrave përpara se të vihen në zbatim.
3. Hartimi i programeve duhet të jetë në përputhje me dispozitat e Aneksit 5 të këtij Vendimi.
4. Specifikimet teknike dhe metodat e standartizuara për analizën dhe monitorimin e statusit të ujërave duhet të jenë në përputhje me dispozitat e Aneksit 6 të këtij Vendimi.
5. Për ujërat sipërfaqësore, programet e monitorimit të referuara në pikën 1 i këtij kreu, duhet të trajtojnë:
 - a. Vëllimin dhe nivelin ose normën e rrjedhjes në masën përkatëse për statusin ekologjik dhe kimik dhe potencialin ekologjik;
 - b. Statusin ekologjik;
 - c. Statusin kimik; dhe
 - d. Potencialin ekologjik.
6. Për ujërat nëntokësore monitorimi i programeve i referuar në pikën 1 i këtij kreu, duhet të trajtojë:
 - a. Statusin kimik; dhe
 - b. Statusin sasior.

7. Për zonat e mbrojtura, referuar nenit 85 të ligjit nr 111/2012, "Për Menaxhimin e Integruar të Ujërave", programet e monitorimit të referuara në pikën 1 i këtij kreu, duhet të plotësohen nga specifitime siç përmbahen në legjislacionin përkatës për këto zona.

Kreu 7. Identifikimi i tendencave të konsiderueshme dhe të qëndrueshme në rritje të ndotjes së ujërave nëntokësore

1. Këshilli përkatës i Basenit Ujor duhet të identifikojë të gjitha tendencat e rëndësishme dhe të qëndrueshme në rritje në përqendrimit e ndotësve, grupeve të ndotësve ose treguesve të ndotjes të gjetur trupa ose grup trupash me ujëra nëntokësore të identifikuara si në rrezik, duke marrë parasysh kërkesat e Aneksit 7 të këtij Vendimi.
2. Këshilli përkatës i Basenit Ujor merr masa në përputhje me Pjesën B të Aneksit 7 të këtij Vendimi për të kthyer tendencat të cilat paraqesin rrezik të konsiderueshëm për dëmtimin e cilësisë së ekosistemeve ujore ose ekosistemeve tokësore, për shëndetin e njeriut, ose për përdorime legjitime aktuale ose potenciale të mjedisit ujor, nëpërmjet programit të masave të referuara në Aneksin 4 të këtij Vendimi, me qëllim reduktimin progresiv të ndotjes dhe parandalimin e përkeqësimit të ujërave nëntokësore.
3. Plani i Menaxhimit të Këshillit të Basenit Ujor përmbledh:
 - a. Mënyrën me të cilën vlerësimi i tendencave nga pikat individuale të monitorimit brenda një trupi ose grup trupash me ujëra nëntokësore ka kontribuar në identifikimin, në përputhje me Seksionin 2,5 të Aneksit 5 të këtij Vendimi, që këto trupa të jenë subjekt i tendencave të konsiderueshme dhe të qëndrueshme në rritje në përqendrimin e çdo ndotësi ose në kthimin e këtyre tendencave, dhe
 - b. Arsyet për pikat fillestare të përcaktuara për kthimin e tendencave në përputhje me Pjesën B, të Aneksit 7, të këtij Vendimi.
4. Këshilli përkatës i Basenit Ujor kryen vlerësime shtesë për tendencat kur është e nevojshme për të vlerësuar ndikimet e shtëllungave ekzistuese të ndotjes në trupat ne ujëra nëntokësore, që mund të kërcënojnë arritjen e objektivave mjedisore të përcaktuara në Aneksin 3 të këtij Vendimi, dhe në veçanti ato shtëllunga, që rezultojnë nga burime pikë dhe nga toka e kontaminuar.
5. Vlerësimet shtesë për tendencat të referuara në pikën 4 i këtij kreu, duhet të verifikojnë që shtëllunga të tilla nuk do të zgjerohen, nuk do të përkëqësojnë statusin kimik të trupit ose grupit të trupave me ujëra nëntokësore, dhe nuk paraqesin rrezik për shëndetin e njeriut dhe mjedisin.
6. Rezultatet e vlerësimeve shtesë për tendencat e referuara në pikën 4 të këtij kreu, duhet të përmbledhen në Planin e Menaxhimit të Basenit Ujor.

SHTOJCA III
PËRMBAJTJA DHE PROCEDURAT PËR ZHVILLIMIN DHE ZBATIMIN E
PLANEVE TË MBROJTJES NGA PËRMBYTJET

Kreu 1. Vlerësimi paraprak i rrezikut nga përmbytjet

1. Këshilli përkatës i Basenit Ujor, për çdo Basen Ujor të identifikuar, bën vlerësimin paraprak të rrezikut nga përmbytjet bazuar në informacionin e disponueshëm, siç janë të dhënat dhe studimet mbi zhvillimet afatgjata, dhe në veçanti ndikimet e ndryshimeve klimatike në rastin e ndodhjes së përmbytjeve.
2. Vlerësimi paraprak i rreziqeve nga përmbytjet i referuar në pikën 1, i këtij kreu, duhet të përfshijë të paktën:
 - a. Hartat e baseneve ujore në një shkallë të përshtatshme përfshirë edhe kufijtë e baseneve ujore, të gjitha nën-basenet dhe zonat bregdetare, duke treguar topografinë dhe tokën e përdorur;
 - b. Një përshkrim të përmbytjeve që kanë ndodhur në të kaluarën dhe që kanë patur ndikime të rëndësishme negative për shëndetin e njeriut, mjedisin, trashëgiminë kulturore dhe aktivitetin ekonomik dhe për të cilën gjasat e ngjarjeve të ngjashme në të ardhmen janë ende relevante, përfshirë shkallën e tyre të përmbytjes dhe rrugët e bartjes si dhe vlerësimin e ndikimeve të tyre negative;
 - c. Një përshkrim të përmbytjeve të rëndësishme të cilat kanë ndodhur në të kaluarën, kur mund të parashikohen pasoja të rëndësishme negative të ngjarjeve të ardhshme të ngjashme;
 - d. Një vlerësim të pasojave potenciale negative të përmbytjeve në të ardhmen për shëndetin e njeriut, mjedisin, trashëgiminë kulturore dhe aktivitetin ekonomik, duke marrë në konsideratë sa më shumë të jetë e mundur çështje të tilla si:
 - i) topografia,
 - ii) pozicioni i rrjedhave ujore dhe karakteristikat e tyre të përgjithshme hidrologjike e gjeo-morfologjike, duke përfshirë edhe rrafshet e përmbytjeve si zona natyrore retensionit (mbajtjeje),
 - iii) efektivitetin e infrastrukturës mbrojtëse ekzistuese të ndërtuar nga njerëzit,
 - iv) pozicionin e zonave të populluara,
 - v) pozicionin dhe natyrën e zonave me aktivitet ekonomik, dhe
 - vi) zhvillimet afatgjata përfshirë ndryshimet klimatike nga ndodhja e përmbytjeve.
3. Kur një Basen Ujor është pjesë e një rrethi ndërkombëtar të Basenit Ujor, Këshilli përkatës i Basenit Ujor duhet të koordinojë me autoritetet përkatëse në Shtetet e tjera, në veçanti përsa i përket shkëmbimit të informacionit përkatës.
4. Vlerësimi paraprak i rreziqeve nga përmbytjet i referuar në pikën 2 i këtij kreu, duhet të përfundojë të paktën deri në vitin 2020.
5. Vlerësimi paraprak i rreziqeve nga përmbytjet duhet rishikohet dhe në qoftë se është e nevojshme të përditësohet, brenda datës 22 dhjetor 2020 dhe më pas çdo gjashtë vjet. Çdo rishikim tjetër duhet të marrë në konsideratë ndikimin e mundshëm të ndryshimeve klimatike në ndodhjen e përmbytjeve.
6. Vlerësimi paraprak i rreziqeve nga përmbytjet dhe çdo rishikim referuar në pikën 5 i këtij kreu, pas miratimit nga Këshilli Kombëtar i Ujit, duhet të vendoset faqen e internetit të

Këshillit përkatës të Basenit Ujor dhe në faqen e internetit të Këshillit Kombëtar të Ujit, dhe duhet të jetë i disponueshëm për publikun.

7. Këshilli Kombëtar i Ujit, me propozim të Këshillit të Basenit Ujor dhe në bazë të vlerësimit paraprak të rreziqeve nga përmbytjet ose të ndonjë rishikimi të referuar në pikën 5 i këtij kreu, duhet të shpallë zonat ku ekziston rreziku potencial nga përmbytjet ose ka gjasa të ndodhin përmbytje.
8. Kur një Basen Ujor është pjesë e një rrethi ndërkombëtar të Basenit Ujor, Këshilli Kombëtar i Ujit duhet të koordinojë me autoritetet përkatëse në Shtetet e tjera për shpalljen e zonave në rrezik nga përmbytjet të referuara në pikën 7 i këtij kreu.

Kreu 2. Hartat e rrezikut nga përmbytjet dhe hartat e riskut nga përmbytjet

1. Këshilli përkatës i Basenit Ujor, për çdo basen Ujor, duhet të përgatisë hartat e rrezikut nga përmbytjet dhe harta e riskut nga përmbytjet, në shkallën më të përshtatshme, për zonat në rrezik nga përmbytjet, të shpallura sipas pikës 8 i kreut 1, të shtojcës 3 më sipër.
2. Kur një zonë në rrezik nga përmbytjet, është pjesë e një rrethi ndërkombëtar të Basenit Ujor, Këshilli përkatës i Basenit Ujor duhet të shkëmbejë informacion me autoritetet përkatëse në Shtetet e tjera para se të përgatisë hartat e rrezikut nga përmbytjet dhe hartat e riskut nga përmbytjet të referuara në pikën 1 të këtij kreu.
3. Hartat e rrezikut nga përmbytjet, të referuara në pikën 1 të këtij kreu duhet të mbulojnë zonat gjeografike që mund të përmbyten sipas skenarëve të mëposhtëm:
 - a. Përmbytje me një probabilitet të ulët ose skenarë të ngjarjeve të ekstreme;
 - b. Përmbytjet me një probabilitet të mesëm (periudha e mundshme e rikthimit ≥ 100 vjet);
 - c. Përmbytjet me një probabilitet të lartë, sipas nevojës.
4. Për çdo skenar të përmendur në pikën 3 të këtij kreu duhet të tregohen elementet e mëposhtme:
 - a. Shkalla e përmbytjes;
 - b. Thellësia e ujit apo niveli i ujit, sipas nevojës;
 - c. Shpejtësia e rrjedhjes, ose rrjedha përkatëse e ujit, sipas nevojës.
5. Harta e riskut nga përmbytjet e referuar në pikën 1 të këtij kreu duhet të tregojë pasojat e mundshme negative lidhur me skenarët e përmbytjeve të referuara në pikën 3 të këtij kreu dhe të shprehura në kushtet e mëposhtme:
 - a. Numri i ndikimit i banorëve të prekur potencialisht;
 - b. Lloji i veprimtarisë ekonomike të zonës së prekur potencialisht;
 - c. Instalimet që janë objekt i kërkesave për mbrojtjen e integruar të mjedisit, siç përcaktohet në legjislacionet e tjera, që mund të shkaktojnë ndotje aksidentale në rast përmbytjesh, dhe zonat e mbrojtura me ndikim potencial;
 - d. Gjithë informacionin tjetër përkatës e të dobishëm, si përcaktimi i zonave ku mund të ndodhin përmbytje me një përmbytje të lartë të sedimenteve dhe mbetjeve të transportuara, dhe informacion për burime të tjera të rëndësishme të ndotjes.
6. Në rastet kur, sipas mendimit të Këshillit përkatës të Basenit Ujor, është vendosur niveli i duhur i mbrojtjes për zonat bregdetare, përgatitja e hartave të rrezikut nga përmbytjet mund të kufizohet sipas skenarit të referuar në pikën 3 (a) i këtij kreu.

7. Për zonat në të cilat përmbytjet vijnë nga burimet me ujërash nëntokësore, përgatitja e hartave të rrezikut nga përmbytjet mund të kufizohet në skenarin e referuar në pikën 3 (a) të këtij kreu.
8. Hartat e rrezikut nga përmbytjet dhe hartat e riskut nga përmbytjet të referuara në pikën 1 të kreut 2 më sipër, duhet të përfundojnë maksimumi deri në vitin 2025.
9. Hartat e rrezikut nga përmbytjet dhe hartat e riskut nga përmbytjet duhet të rishikohen dhe në qoftë se është e nevojshme të përditësohen, deri 2027 dhe më pas çdo gjashtë vjet. Të gjitha këto rishikime duhet të marrin parasysh ndikimin e mundshëm të ndryshimeve klimatike nga përmbytjet.
10. Hartat e rrezikut nga përmbytjet dhe hartat e riskut nga përmbytjet dhe të gjitha rishikimet e referuara në pikën 9 të këtij kreu mund të integrohen në vlerësimin dhe rishikimin e karakteristikave të baseneve ujore të referuara në Shtojcën 2, Kreu 1, të këtij Vendimi. Në rastet kur nuk janë shumë të integruara, zhvillimi i hartave të rrezikut nga përmbytjet dhe hartave të riskut nga përmbytjet si dhe të gjitha rishikimet duhet të koordinohen me vlerësimet dhe rishikimet e karakteristikave të baseneve ujore.
11. Pas miratimit nga ana e Këshillit Kombëtar të Ujit, hartat e rrezikut nga përmbytjet dhe hartat e riskut nga përmbytjet dhe të gjitha rishikimet duhet të vendosen në faqen e internetit të Këshillit përkatës të Basenit Ujor dhe në faqen e internetit të Këshillit Kombëtar të Ujit, si dhe të jenë të disponueshme për publikun.

Kreu 3. Planet e Menaxhimit të Rrezikut nga Përmbytjet

1. Këshilli Kombëtar i Ujit duhet të përcaktojë objektivat e duhura për menaxhimin e rrezikut nga përmbytjet për zonat e shpallura në rrezik nga përmbytjet sipas pikës 7 të kreut 1, të shtojcës III të këtij vendimi. Këto objektiva duhet të fokusohen në reduktimin e pasojave të mundshme negative nga përmbytjet për shëndetin e njeriut, mjedisin, trashëgiminë kulturore dhe aktivitetin ekonomik, dhe në qoftë se duhet, në iniciativat jo-strukturore dhe / ose në reduktimin e mundësisë për përmbytje.
2. Në bazë të hartave të rrezikut nga përmbytjet dhe hartave të riskut nga përmbytjet dhe të gjithë rishikimeve, Këshilli përkatës i Basenit Ujor duhet të përgatisë planet e menaxhimit të rrezikut nga përmbytjet të koordinuara në nivelin e Basenit Ujor për zonat e përcaktuara në rrezik nga përmbytjet në bazë të pikës 7 të kreut 1, të shtojcës III, të këtij vendimi.
3. Planet e menaxhimit të rrezikut nga përmbytjet duhet të përfshijnë masa për të arritur objektivat e referuara në pikën 1 të këtij kreu, dhe duhet të përmbajnë komponentët e përcaktuar në Pjesën 1 të Aneksit 8 të këtij Vendimi. Planet duhet të adresojnë të gjitha aspektet e menaxhimit të rrezikut nga përmbytjet duke u fokusuar te parandalimi, mbrojtja, gadishmëria, përfshirë parashikimet nga përmbytjet dhe sistemet e paralajmërimit të hershëm dhe të marrin në konsideratë karakteristikat e baseneve ose nën-baseneve përkatëse ujore. Planet e menaxhimit të rrezikut nga përmbytjet mund të përfshijnë gjithashtu promovimin e praktikave të qëndrueshme të përdorimit të tokës, përmirësimin e ruajtjes së ujërave si dhe përmbytjet e kontrolluara të zonave të caktuara në rastin e një ngjarjeje përmbytjeje.

4. Planet e menaxhimit të rrezikut nga përmbytjet duhet të marrin në konsideratë, sipas rastit:
 - a. Kostot dhe përfitimet;
 - b. Shkallën e përmbytjeve dhe rrugët e bartjes së përmbytjeve;
 - c. Zonat të cilat kanë potencial për të mbajtur ujërat nga përmbytjet, rrafshet natyrore të përmbytjeje;
 - d. Objektivat mjedisore të referuara në Aneksin 3 të këtij vendimi;
 - e. Menaxhimin e tokës dhe të ujërave;
 - f. Planifikimin hapësinor;
 - g. Përdorimin e tokës;
 - h. Ruajtjen e natyrës;
 - i. Lundrimin; dhe
 - j. Infrastrukturën e Portit.

5. Kur një Basen Ujor është pjesë e një rrethi ndërkombëtar të Basenit Ujor, Këshilli përkatës i Basenit Ujor duhet të koordinojë me autoritetet përkatëse në Shtetet e tjera, për të përgatitur një Plan të vetëm ndërkombëtar të menaxhimit të rrezikut nga përmbytjet, ose një seri planesh të menaxhimit të rrezikut nga përmbytjet të koordinuar në nivelin ndërkombëtar të rretheve të baseneve të Ujore. Kur këto plane nuk janë përgatitur, Këshilli përkatës i Basenit Ujor duhet të përgatisë planet e menaxhimit të rrezikut nga përmbytjet që mbulojnë të paktën ato pjesë të rrethit ndërkombëtar të baseneve ujore që kalojnë brenda territorit të Republikës së Shqipërisë për aq sa është e mundur të koordinohet në rrethin ndërkombëtar të Basenit Ujor.

6. Kur në një plan të menaxhimit të rrezikut nga përmbytjet propozohet të përfshihen masa, që për nga shkalla dhe ndikimi i tyre, rrisin ndjeshëm rreziqet nga përmbytjet me drejtim nga lart ose poshtë të Shteteve të tjera në të njëjtin basen ose nën-basen lumenjsh, Këshilli përkatës i Basenit Ujor nuk duhet t'i përfshijë këto masa në planin e menaxhimit të rrezikut nga përmbytjet derisa këto masa të koordinohen me dhe të aprovohen nga Shtetet e përfshira.

7. Planet e menaxhimit të rrezikut nga përmbytjet duhet të rishikohen, dhe nëse është e nevojshme të përditësohen, deri më 2020 dhe më pas çdo gjashtë vjet. Çdo rishikim i tillë duhet të përfshijë komponentët e përcaktuar në Pjesën 2 të Aneksit 8 të këtij Vendimi dhe duhet të marrë parasysh të ndikimin e mundshëm të ndryshimeve klimatike nga ndodhja e përmbytjeve.

Kreu 4. Proçedurat për zhvillimin e planeve të menaxhimit të rrezikut nga përmbytjet

1. Planet e menaxhimit të rrezikut nga përmbytjet dhe rishikimet e tyre të mëvonshme mund të integrohen në planet e menaxhimit të baseneve ujore dhe të rishikimet e tyre pasuese. Kur planet e menaxhimit të rrezikut nga përmbytjet nuk janë shumë të integruara, ato duhet të zbatohen në koordinim me planin e menaxhimit të Basenit Ujor dhe rishikimeve të tyre të mëtejshme si dhe duhet të zbatohen dispozitat e paragrafëve 3 deri në 10 të këtij kreu, që vijojnë më poshtë.
2. Një vit përpara fillimit të periudhës së cilës i referohet plani i menaxhimit të rrezikut nga përmbytjet, përfshirë çdo rishikim të referuar në pikën 8 të kreut 3 të kesaj shtojce, Këshillat përkatëse të Baseneve Ujore, pas miratimit nga Këshilli Kombëtar i Ujit, botojnë projektplanin e menaxhimit të rrezikut nga përmbytjet.

3. Projekt plani i menaxhimit të rrezikut nga përmbytjet i referuar në pikën 2 të këtij kreu, duhet të vendoset në faqen e internetit të Këshillit përkatës të Basenit Ujor dhe në faqen e internetit të Këshillit Kombëtar të Ujit.
4. Projekt plani i menaxhimit të rrezikut nga përmbytjet duhet t'i nënshtrohet procedurave të vlerësimit mjedisor strategjik, siç përcaktohet në legjislacionet e tjera.
5. Këshillat përkatës të Baseneve Ujore duhet të dërgojnë projekt planin mbrojtës të menaxhimit të rrezikut nga përmbytjet tek autoritetet e referuara në pikën 3, i kreut 3, të Shtojcës 2, më lartë dhe tek autoritetet përkatëse në Shtetet e tjera ku Baseni Ujor është pjesë e një rrethi ndërkombëtar të Basenit Ujor.
6. Autoritetet e referuara në pikën 5 i këtij kreu mund të bëjnë komente mbi projekt planin e menaxhimit të rrezikut nga përmbytjet. Këto komente mund të jenë në formë të shkruar ose elektronike dhe duhet t'i drejtohen Këshillave përkatës të Baseneve Ujore. Komentet duhet të bëhen brenda një periudhe gjashtë mujore nga data e botimit të projekt planit të menaxhimit të rrezikut nga përmbytjet.
7. Çdo anëtar i publikut mund të komentojë projekt planin e menaxhimit të rrezikut nga përmbytjet. Këto komente mund të jenë në formë të shkruar ose elektronike dhe duhet t'i drejtohen Këshillave përkatës të Baseneve Ujore. Komentet duhet të bëhen brenda një periudhe gjashtë mujore nga data e botimit të projekt planit të menaxhimit të rrezikut nga përmbytjet.
8. Këshilli përkatës i Basenit Ujor mund të organizojë seanca dëgjimore publike për projekt planin e menaxhimit të rrezikut nga përmbytjet brenda periudhës gjashtë mujore të referuar në pikën 19, i kreut 3, të Shtojcës 2, të këtij vendimi.
9. Këshilli përkatës i Basenit Ujor duhet të dërgojë projekt planin përfundimtar të menaxhimit të rrezikut nga përmbytjet të Këshilli Kombëtar i Ujit të paktën 6 muaj përpara fillimit të periudhës së cilës i referohet plani i menaxhimit të rrezikut nga përmbytjet. Gjatë përgatitjes së projekt planit përfundimtar të menaxhimit të rrezikut nga përmbytjet, Këshillat përkatës të Baseneve Ujore duhet të marrin parasysh:
 - a. Të gjitha rezultatet dhe konkluzionet e vlerësimit mjedisor strategjik të referuar në pikën 5 të këtij kreu,
 - b. Të gjitha komentet e marra nga ministritë dhe institucionet e referuara në pikën 6 të këtij kreu.
 - c. Të gjitha komentet e marra nga autoritetet përkatëse të Shteteve të tjera të referuara në pikën 6 të këtij kreu.
 - d. Të gjitha komentet e marra nga publiku në përputhje me pikën 8 më sipër.
 - e. Të gjitha komentet e marra nga seancat dëgjimore publike të organizuara në përputhje me pikën 8 të këtij kreu.
10. Këshilli Kombëtar i Ujit miraton planin përfundimtar të menaxhimit të rrezikut nga përmbytjet, të hartuar në përputhje me nenin 70 të Ligjit nr. 111/2012, "Për Menaxhimin Integruar të burimeve Ujore".